

集部

次定日華 白 矣越十有二年始得此卷凡八帖中一帖先生當以易 之帖理不應無意者為好事者所有令不復得而見之 里居披示心腹繾緣有加見于諸帖固可考也然講學 先大父與朱子與誼之密無如漕閩之時先生亦奉祠 欽定四庫全書 魯蘇集卷九 帖 朱子帖第七卷 醬癬集 宋 王栢 撰

新有所得而復惜其多有所遗而大父故稿亦無以互 其治心養氣之教此特朱子之常言意其相與之情既真 後知此等帖散失亦已多矣若夫饋藥之感信受奉行 為如何此尤見先生盛德無我懇懇求善如恐不及然 時執經講下故曰伯禮所詢數條且以鄙意報之亦乞 津筆麟答未必具稿故文集亦無此帖也嗚呼既自幸 有以訂其失义言沙隨古易章句之詳博未知尊意以 書求證于大父且欲蚤賜鐫誨及今改定為大幸叔父 金グロルノコー 備旁抬之列故公有此除目先是大父檄公至司而 所獨慕若置之周行其謀議獻替必有可取誠足以 謂公學問該治操履端亮自為諸生衆已推重既登科 第聲譽益休今掌教一邦師道尊嚴學校整肅士子 父察其所安真可以致遠既以京剡舉之又露章特薦 在告淳熙丁未先大父将漕七閩時公掌邻武學事大 見故特著其悲恨于卷尾云 寺簿徐公帖一卷

とこりを とこう

魯府集

之第子云 遷寺簿出知通州而終益越人也為堂與徐東軒皆公 之習嗚呼此風俗之所以厚世道之所以隆也公未幾 **竦然玩誦識古人淳簡真實之味一洗近世浮談不情 贖必多散失賓祐癸丑之冬得夫第忽以此紙來恵某** 路士子翕然風動謂之得人時為堂劉公炎正在公講 多灰四库全書 下後寓發女為某道當時氣象感嘆久之疑公往來尺 先友陳葉二公帖

遭會大父之喪偶故籍之尚存見賻儀獨厚於隣里者 告先大父與文昌陳公相國葉公為 州角之友未弱 冠 足此可以見變故之艱難朋友之契好先世之清風也 有曰陳解元天與葉解元夢錫潘解元師元各贈一 所見至多散逸之餘存者僅僅此耳陳公止七帖公不 盛如此惟半山潘公之書帖無存陳公葉公之帖幼年 歷州縣一再轉徑登言路持從索晉用甚峻中遭貶 四君子皆相繼奮身儒科為世名人一時交游人物之 貫

欠已日年心島

魯齊集

時初大父之赴番易也葉公適當軸力留大父以自助 大父毅然不許禁公至形于色且言番易初非住郡 少變也禁公所謂鄉書相叙之樂正大久臨按新安之 相關者直言無隱情尚以老兄稱之可以見久要之不 及起廢于新安而大父適漕江東同此一時凡都計有 在荆南時中三帖在謫所後一帖乃奉祠里居之時其 言鄉邦農事之艱勤雞價之低昂詳悉無遺益足以見 **少欲往何也大久領郡未幾而葉公不幸貶矣前一** 帖 而

金少正屋石雪

とこうる とこう 告大父當習詞科求正于庚溪陳公侍郎公稱之曰辭 之卷末云 相與之情真不以體稅虛文而奪其務實之意不以閒 後陳公法當舉自代始終以大父一人應制前輩所見 氣嚴密無愧古作將就試報買夫人之疾歸竟焚其稿 大臣告之朋友亦異乎今之所謂朋友矣為之既嘆識 退剩語而忘其憂時之心昔之大臣亦異乎今之所謂 同郡五公帖 魯蘇集

此數帖在番閩時所得者禮亦讓矣說齊唐公與莊敏 多反四月在書 夫亦多以此自勵而其筆礼亦為時所貴重也與化劉 觀范之詞知競進之可恥而安其遲次之分當時士大 塞不為潤飾之辭自香溪范公而下未知其契好之厚 山堂鞏公意勤詞簡亦有典刑是皆存其遗蹟而未暇 固異於常人晚年徜徉於西郊得林泉之樂里人散 之 公雖為南軒所斥觀其筆意質實措詞閒雅終有古風 祖位為婚姻其守上饒也在大父後兩政故所言親

|致定四車全書 恭謹語厚之風藹然可親點成之字歲積漸多此二帖 代書而親筆絕少見此為晚年親作雖覺筆力差弱而 筆道神健不可以世故束縛忠定李公字有典則端重 年始得此紹興五公書凡八紙先伯祖莊敬公多子第 予景慕前脩好觀遺蹟未次盡求其點畫之妍也所恨 不能尚友遠古循得見或道淳熙諸賢之帖為最威近 夷考其美徒也 **紹興五公帖** 魯蘇非

于後奚賓祐丙辰之春内兄伯遠攜四十有九帖授予 寶蔵餘四十年始續得十有二帖作二卷亦既書歲月 與人物之盛惜不得盡有其手筆也 里計聞之言凛然忠憤千古難平即此五公之賢推中 雖則繁別而有餘才太史范公意度嚴重運鋒純熟萬 某自幼知散點成先生初得應仲豆豉二帖喜不自勝 自在而出處報關之狀微見一二北山鄭公筆逸情真 黙成十一帖

大三日日八十日 意云 予之素所敬愛故以託其傳其志亦可悲也此十二 伯遠復來展玩嘆息而去未幾伯遠竟凶嗚呼伯遠 知 右點成十八帖多南渡搶攘之時禍亂交等人不安厥 皐 余君之赞美嘆重也伯皐亦以善書稱故能參其筆 獨首帖為少年之字餘皆縦逸豪健而不踰軌則宜伯 口吾家不知爱得好事者實之足矣越數月既成背軸 黙成十八帖 魯齊集 帖

師之聲望甚備既而登鼎甲趨慎府大父捐館而亦丁 緊見此卷所得不既富矣乎雖多非晚年老筆真如鳳 然至於奉親之歡與人之厚辭受之嚴操守之固亦可 金罗四月石潭 竹軒先生夏公少當師先大父晚留書墾而諸叔父復 雞翔于丹山雖未千仮終不肯輕下云 居氣象益可想也先生之出處大器興致所寄莫不灑 艱而歸後以十詩哭于石筍墓下用東來先生哭芮 **聂戴二公帖**

出處之祭知之也深是以頌之也無浮辭馬博士戴公 祭酒體也詩律温潤謹嚴而述情忠厚寫實盡於大父 詩激昂慷慨而議論宏遠二公皆篤學清苦今豈復得 世之雅道故拜手書于卷後 埋微懼遺書之散逸後之子孫或有立者將不得知先 見斯人乎世哀道微人物益助而某之家世亦已就於 麗澤之上第先君同門之好為最深有賦御書石刻之 大江日本 二十 雜者 雷蘇集

金灰四月全書 聖賢吾不得而見之矣而得見聖賢於書治亂吾不得 其所當處者謂之叙又曰天秋有禮禮者尊甲貴賤等 者君臣父子長幼夫婦朋友之倫也因其生而分之以 而見之矣而得知治亂於史事紀於言理寓於事非事 級隆殺之品也因其叙而與之以其所當得者謂之秋 以關萬世之光明立人心之好惡也書曰天叙有典典 理不可見非言則事不可傳大哉書與史之功乎所 通鑑託始論

顯之於車服名器之内故曰天命有德五服五章哉夫 徳者得也得其道於心而不失之謂也是以表章而榮 命之而已雖堯之命舜舜之命禹皆命之以天下亦不 てこうえ ここう 策命之禮命微子命蔡仲命君陳命畢公命君牙凡五 於都俞吁哪之間及殷高宗之命傳說亦不出於一時 過執中之數語至於命九官咨二十有二人往往見之 之訓誠必皆叮嚀於欽哉之一詞周之治尚文然後有 命者天之令也人主體之而代天行化也唐虞之世 面 魯蘇集

益非常典授之以土授之以民撫之以奏器旌之以車 矣王之昏也褒奴之難廢后點適王之所親當也今乃 王之命文侯悲嘆感傷氣象索然聖人存於周書之後 篇皆成周盛時之文移王之二命已不可同年而語平 聖人存於春秋之首于以傷王轍之所以不復西也甚 于以著王轍之所以東也逮其末年歸恵公仲子之赗 而不愧此聖人絕望於平王而春秋之所自始也策命 以天王之尊命家军之貴下赗諸侯之妄若禮所當然

次に日本とき 以王命之輕也東周禮者莫如魯請以隱公觀之平王 中綱淪法壞朝貢聘告之使希問寂寥於天子之庭者正 重授受其可不謹乎春秋之國咸沈酣於戰争攘奪之 既罪實繁贈錢加之以宴好吁周之舊典禮經如此之 太军以王命命冤服內史賛之三辭三命而後即冤服 之以太宰信之以內史鄉逆于境侯郊勞館諸宗廟饋 服明之以詞章司徒書命司馬與士書服司空書熟将 九年設庭燎及期設主布几筵太宰治之侯端委而 曾齊集

言之曲沃奪宗叛王屢矣不惟不之罪反使號公命曲 叔之子又繼之以求車之使桓公薨于齊始終不以禮 王乃使榮叔追命之夫何王命之褻也又以晉國大客 命一介之使以告王王乃使宰渠伯糾來聘繼之以仍 王使凡伯來聘後二年南季又聘而未聞魯之玉帛入 之崩魯無吊使又不供王喪致武氏子來求轉後四年 金万口屋石意 于洛也桓公弑隱而立篡賊也魯之所當諱也固不敢 軍為晉侯其後侵併諸國日益强大文公伐楚獻 卷九

喜東周之勃與何為有是曠禮也然既無備物典策又 恭也惟此一命於史有光其次則衛之二命一追命襄 揚天子之不顯休命受策而出出入三與其儀如此之 敬服王命以綏四國斜逃王隱重耳三辭再拜稽首奉 俘于王王享體命宥命尹氏及王子虎內史叔與父策 ていうら いい 王二十有三年忽有命三晉大夫為諸侯之辭使人驚 重耳為僕伯賜之車服弓矢柜色虎賣曰王謂叔父 答命削職皆有解自是不復再聞王命後當威烈 魯森集

殿于後有典有則正大激昂所以扶天倫莫民極示萬 伯立後始然智伯之事随矣不足以為一千三百六十 續春秋而乃下承左氏傳傳以趙喪智伯終通鑑以智 蹟錫命曰資治通鑑正託始於三晉之候益公不敢上 其述作造端之意傷周室名分之大壞而以哀哉二字 疑之我朝治平初司馬温國公奉古論次歷代君臣事 無王人下臨若之何而命之哉此又春秋之一變僕深 二年之綱於是提三侯之命而追原智伯於其下復著

一多 定四库全書

微之說此特言其晉之幾而未及乎周之幾也是以朱 所未及雖然述春秋以後之書舍是亦幾無以為託始 世帝王之規範也後之儒者以公之言誠忠厚奚循愿 大夫主諸侯之盟會於三晉强威之幾以補司馬公謹 其問於事情也故致堂胡氏追論晉悼公病於一情使 王章久已淪散何獨至是而始可論也此又補致堂之 文公感興以昭王南下而不返歷春秋二百四十二年 こうこくい 也東遷之周平王以晉文侯立而周已弱襄王以晉文 無所樣

多定匹库全書 之承僕因實其疑於太史公考之帝紀書命三侯於九 承命為信若不能以義制命則無以使人心不應惟命 輕至此豈足以為天下重哉僕聞君能制命為義臣能 官不備聲名文物照無精彩實不過諸侯一附庸耳積 是争衡於中國矣況戰國之周土地日慶人才日消王 公定而周逐哀敬王以晉大夫立而周益亂晉大夫自 魏趙韓皆相立為 諸侯豈非因其自相立不得已而命 鼎震之下此温公所以開端而著論也考之世家則 曰

熟視楚之王而不敢問尚何待後之桓文罪一大夫之 命輕於一羽爲得而拒之哉五伯莫威於齊桓晉文猶 之與又十有八年田和求為侯親使使言王許之而后 劉 喪天扶流離天命僭成而不可禦非聖人定之以 立詳觀許之一字即太史公以之而為命也當是時王 くこうこ 上下百五十年蒼姬將記録如日之莫如歲之冬天叙 自侯也前乎七十有餘年衛循以王命為重後乎七十 有餘年諸侯自相王王之不足而又相帝則於王何 1.1. 魯齊集 有

多定匹库全書 義中正而立極宣區區智力所能析其衝而推其勢哉 諸侯有天下信不誣也今及周之亡也猶有邑三十六 道於東方孟子亦謂夫子得百里之地而君之必能朝 天下固有不可為之時而聖人則無不可為之道孔子 口三萬土地實器雖俱輸於秦周民逐東是知王可降 日如有用我者吾其為東周乎聖人固未當不欲與周 而民不可强之從國可得而民不可强之屈周之德澤 入人如此之深也在聖人亦未可謂不可為之時況自 卷九

ところられた 棄矣 昔先大父失所天年鄰弱冠而師交已盛先君棄諸孤 之所由分與雖然貧賤憂戚之所玉成者必中人以上 竊意中散公以一貧遗大父而動心忍性之功甚深先 某雖瑜小學而情未知書嘆賢不肖之相去何其遠哉 君以餘澤貽我後人而鮮克由禮之習易染此賢不肖 有可為之道乎胡氏乃逐曰吾末如之何者亦勇於自 魯齊清風録 魯齊集

妻子足以治賓客有書萬卷手帖石刻數百種足以資 益此重則彼輕物固不能兩大也今行年六十始正嗣 金万四月在書 子之倫疏其衣鉢之傳有田二頃足以供祭祀足以養 大精微之境於是家事曠死日就窘窄然亦甚甘心馬 **荒蕪不治悚然知思絕利一原閉門讀書粗知聖賢廣** 來當從事於生產作業而微見効矣静而點檢身心 之資而軍食瓢飲付之中人以下則衣冠淪墜也公矣 貧而樂富而好禮非工夫至到者不能也于自授室 以 则

とこりも ここう 哉言乎人熟無子孫之念而能為此遠應者益鮮矣其 後劉表問雁徳公何以遗子孫答曰人皆遗之以危 富者眾之怨也吾無以教子孫不欲益其過而生怨古 以之游藝無所往而不可然不能不藉田以安其為學 探討足以窮古今足以涵泳義理以之治心以之脩身 宜有才氣者出雖兩無之亦不害其為賢也漢疏廣有 日子孫賢而多財則損其志愚而多財則益其過且夫 心尤不可不藉書以保其衣食之原豐約貴兩得其 魯蘇集

恃而勇日危矣苟一意於義則志向進進乎高明則可 馬茍 然則所以致安危者無它義利兩端而已惟汝小子擇 猶乏也美王氏之伯仲有移然清風發在簡素之言逐 部各有序因思柳子厚當病世其家而業不順者雖古 獨遗之以安雖所遗不同未為無所遺也斯言益深矣 暇日偶分部而録故書之目為十有五卷以防散逸而 為君子雖貪亦足恃而未當一日不安也小子其識之 意於利則讀書種子斷絕流為俗人利固不足

到灰四库全書

をえ

志氣偉然逐得覽觀判英形勢之勝北望中原心馳 **史正可臣公前** 矣爱兄之道深矣又得竹軒先生是公二詩優柔平淡 之序勒渠懇側於固結人心之一語識應高矣規無遠 見凡四年而後歸於其行也贈言者不一惟臨江叔父 在告慶元戊午先岩趨武當之戊匹馬就道畧無難色 命此録曰魯齊清風云 訪問遗老周知属情當國家和好方堅而卒無以自 武當贈行軸識 魯癬集 支 故

益沙隨先生之門人誠為古君子也繼緣先契期與後 惜别之語哉先君道出番易訪大父之故人石喬余公 情後人每徒取其文辭要識四君子之用心也于時某 者不能及此三篇者體雖不同皆有以盡其相爱之真 難哉之一解則戒謹恐思之意隱然見於言表非知道 **薦之句厲之以規恢中土之畧也言簡而意深豈尋常** 温厚雅與慰民凋之句期之以培植根本之計也思吞 來請然滿幅且言實模之任所屬者非小緊之以是亦

金戶口屋有書

卷九

餘 とこりる ここう 獨立之見也舉世恨認自得之意紛紛新奇之論為害 書子竊惡馬夫孟子之所謂自得欲自然得於深造之 編示予觀其立說則曰凡有得於集註言意之外者則 實祐甲寅立冬日 蘭溪金古南來訪以讀論語管見 凋落因泫然流涕書于其後 生南半周今浸尋六十歲矣驚日月之飄零痛文獻之 而無强探力索之病非為脫落先儒之說必有超然 金吉甫管見 魯齊集 赱

弱而欲求於言意之外可乎此編儘有見處正宜用力 金石四月在書 其氣骨實關於人品朱文公獨爱幸蘇州詩以其無聲 萬事無不由學而至惟詩未次盡由於學其工可學也 之内它日必有驗子之言矣 奉以歸之不敢有隱苟能從馬孽孽沈潛涵泳於集註 窮之味益玩而益深求之於言意之内尚未能得其勢 不小且集註之書雖曰開示後學為甚明其問包含無 汪功父知非稿

处足四年公与 學之成它時會有識者符子之言 者宣學之所能至哉惟無欲者能之非無欲之詩難得 知其非而觀之者益欲知其是予方定其端以待功父 也正以無欲之人難得耳吾於功父之詩似覺微有此 也自三百篇以來獨平澹問雅者為難得夫平淡問雅 色臭味為近道此言不特精於論詩尤學道者之要語 氣骨若充之以學庶此氣骨開張完固而聚駁乎成矣 日以知非稱見示而予得以審其是非作之者固欲 魯齊集

金少四月月十日 古易音訓

成公之謹於缺疑也善於復古也所謂古文者今亡矣 子暇日校正音訓而有未能釋然於可疑者久之方悟

費氏令之易即古文易也令易之字則非古文之字也 昔劉向當以官中古文易校施雙孟喜梁丘賀三家多 有股落獨貴氏經與古文同鄭康成王輔嗣固告出於

一哉晁氏既不見古文易今所按古文不知其何所據 况籍象既更隸正益異轉相傳寫之武豈能盡合於古 KINDER MAND 道不當若是此成公所以一循其舊也其大不得已者 姑以古文異同者言之今之若古之窟字也以為當從 得失耳成公宣不能訂其是而歸於一乎缺疑存古之 承何也要之為取鮮之為 勘未當盡出於一如亨享佑 或去之亦豈有二義哉拯之為承亦古也而又不一於 古也凡經傳皆書此崇宜也自乾以下既更此若獨於 祐之類尚多有之若喪之與塞非有大異特筆法互有 離卦出此二黨宣不可疑乎趾之為止誠古也或加足 魯齊集

金灰四库在 定若甚確徐而考之益亦未能盡合乎法也至以卦氣 同也至於訂古有未盡善者則成公亦不得而盡從也 千載傳襲不疑之書銳然撥亂而反之正則其不可不 具同之間不敢輕加一字謹之重之如此之至也乃於 有不容不移者今成公於字音因晁氏之舊而增廣之 天一地十章移在天數五之上此則存程子張子之言 復古也審矣晁氏先於復古者也成公宣苟徒者志偶 日古字曰今字曰籀字曰篆字曰隸字分别若甚精訂

斷其字之是非有無此則不能不疑也抑當思之不有 卷第之下分行註中讀者尤當留意馬 得失則不知伊洛以來傳義之精也音訓之有益於後 自昔聖人大經大法所以宅天東立民極定萬世之標 善觀今大綱領既正音訓甫畢而成公夢奠精神全在 音訓類其同異則不知諸儒之得失不見諸儒之異同 如此知其所以異而能察其所當同而後可以謂之 大學沿革論

烫定四車全套

魯職集

金万口正人 也既利定之又從而表章之以為初學入德之門施及 鄭康成謂之通論以為記博學可以為政也何其陋哉 刑詩定書繁周易作春秋之外它無書也今大學之篇 準者悉已去籍於春秋之末吾道失統而下歸于孔子 朱子逐斷之曰經一章葢孔子之言而曽子述之傳十 以至威上下相結粗釋文體而文義未明歷千五六百 孔類達方以首章為經乃曰此經從風以本初又從初 年莫有知其所自出至本朝程子始曰此孔子之遗書

大正司 上 則求于大壞之餘飲望于既得之後未止于至善亦人 使後世猶得見聖賢之遺經可謂大有功于名教矣然 編出于屋壁之中幸編爛股竹簡淆亂漢儒擬拾整比 書之全體大用坦然大明矣其始也遭秦大禁斷續殘 子思之書乎朱子序曰大學之書古之大學所以教人 章則自子之意而門人記之也或問中又言子思以授 之法也又曰是書垂世立教之大典後世學者方識此 孟子無疑然則曾子之門人孰有出于子思之右其為 無齊集

情之不能無恨于此而況世變風移師殊古異非一時 此句明註為行學者如寐而得覺方知聖人本意簡易 也鄭康成孔類達不疑也漢唐諸儒亦不疑也至二程 明白未當有艱辛險絕之詞只第二句新之一字稍生 子方敢倡言之曰此為錯簡此為脫簡此字當作某字 義理之差好晦蝕因循於是訛益訛誤益誤二戴不疑 之所能驟正也于是隨文釋義而不知其綱目之相統 承批踵謬而不問其血脈之不通穿鑿附會而不思其

金好四月在書

火之可奉 上 致知一傳獨亡自漢儒以來未當言其亡也令以經 統 章之後七傳之先又一規模也淇澳一章二程子皆于 獨殿于至善傳之末以其內有盛德至善之句可證也 誠意傳後取而真于殷未喪師之前朱子不是之從乃 列于首三句之下自是一規模也程叔子乃真於首一 則已訛而為親講解者百餘家未當顧停中三新之相 又以没世不忘為至善之極考之可謂審矣惟有格物 應真是枉讀聖賢之書程伯子先取三綱于雜孫之中 魯齊集

從致知做將來此一傳之不可缺也明矣此傳既缺則 意非不分明熟復玩味終是後世之詞不如古人之寬 傳粲然易知況致知是大學最初用工處誠意工夫是 傳則知首尾森嚴以傳承經則知其義理精密亡此 厚而朱子亦自以為未善故存癬必大問所補致知章 何以為明明德之基何以為新民之本又何以知至善 而止也于是朱子不得已而追補之字義非不親切古 不效其文體口亦嘗效而為之竟不能成以未子義

金少世月月十十

當反覆而思之此傳之七也我知之矣此傳錯簡于至 増補而舊物復還豈非追亡之上功乎雖然程朱三失 生玩索非不久離章析句非不精而不以為傳何哉予 傳于是躍然為之驚喜有是哉異乎吾所聞也為無所 巴巴得黄嚴玉奉車君書報予回致知格物傳未當忘 精筆健豈有所不及于此然古今風氣不同不得强而 也自知止而后有定以下合聽訟一章儼然為格致 用其力也每讀大學至此未當不為之掩悉太息咸淳

大三日 日子

魯齊集

句也為甚緊此三先生所以確然信之而不以為疑然 金罗四月百十 夫以經統傳以傳附經則其次第可知者此朱子之言 夫天下所以不可易者理也二程子不以漢儒之不疑 善之下其逃亡也為甚切其掩藏也為甚宏益其承上 也況朱子亦未常截然而不相然也予為之條疏于後 求其義之至善而全其心之所安非强為異而茍于同 三先生不以為疑後學乃敢一旦而更之無乃偕妄乎 而不敢不更定朱子不以二程已定而不敢不復改亦各

一次定四車全書 一 尤緊二也以未子之所補文體難于凑合歌若移此章 其中況此既有知字物字自然為格致之一傳五也致 動斤斧四也古人不區區于字義只說大意而字意在 為傳而文氣宛然不失舊物三也以致知格物之不可 字之相應承接固緊矣兩明德之相應而承接豈不為 知云者因其已知推致于極之謂知止知也至于定静 也此章若為經文則上無所統而下無所附一也兩止 無傳而此章于此處尚可緩也用其本有以補不足不 魯齊集

本未之義可知以經之本文乗之則知其當屬於此可 見則知朱子亦未當不以為當在此八也朱子聽訟章 子乃列於誠意傳之上曰以傳之結語考之則其為釋 則有先後知其本之當先末之當後是謂致知在格物 民志此物格矣此之謂知本即此之謂知至也七也聽 也聽訟者末也無訟者本也無情者不得盡其解大畏 安愿而后得所止先非致其知乎六也物則有本末事 章原在止于信之下程子進而真之經文之下朱

自りいんと言

盡須是自把來橫看豎看儘入深儘有在此可謂開後 之事皆有知其至善之所在則吾所當止之地也未當 章甚明九也或問人曰知止云者物格知至而於天 句曰觀於此言可以知本末之先後以此可以知止 固以為致格傳矣然勇於補而不勇於移何也以誠意 不逐移也邪朱子曰義理儘無窮前人恁地說亦未必 不以知止為物格知至十也以朱子之語參互較之 章觀之至易實前數日改猶未了假以歲月烏知其 则

たこう はんう

魯齊集

以俟聖人之復生也其言精切而深遠廣大而公平既 也歐陽公亦曰經非一世之書傳之繆非一人之失刋 味於車君之言而為之論與同志共評之 正補緝非一人之能也學者各極其所見而明者擇馬 不以已說自是亦不敢厚誣後世之無人予於是深有 人窮理之門而不限以一定之見是心也大公至正之心 予每讀中庸集註以家語證中庸之有缺有行私竊 家語考

金灰四月在書

を九

考古非易事也此先儒之所甚謹豈後學之所當妄議 **必學博而理明心平而識遠殆庶幾乎得之益學不博** 而論之 書無可疑者因求家語之始末而益有大可疑請從 疑之因書與趙星渚言答曰文公謂家語為先秦古

大いりる ハルラ

|萬予不敏何足以知之竊皆謂學者莫不讀論語也

自

唇齊集

心不平則不能定輕重之權識不遠則不能斷古今之

不足以該貫犀書之言理不明不足以融會羣書之古

紫陽諸老先生出而論語之義始大明曰脫簡曰錯簡 多好四库全書 曾子之門人矣然子貢閔子有子之門人後世不聞其 論語為何人所集也固當曰此魯論也此齊論也此為 漢以來諸儒名家亦莫不牋釋論語也至我本朝伊洛 日行文曰缺文曰某當作某始敢明註于下然未有定 思乎吾聞夫子年三十有五而第子益進轍環天下鉄 有顯者惟魯子傳得其宗當時執刑纂之柄者豈非子 子貢之門人記矣此為閔子之門人記矣此成於有子 飞九

一時公卿大夫士及諸第子悉集録夫子之言總名之 曰 謬固有不能免者予讀家語而得論語之原其序謂當 姓名不能盡知也況其言乎嗚呼論語之書精則精矣 也豈論語五百章所能盡哉於此五百章之中而高第 其所聞而發越推開莫知所以裁之毫釐之差千里之 第子之言居十之一七十子之言不能盡載也三千人之 而於夫子之言未可謂之大備也宜乎諸子百家各持 四十年登其門者凡三千人其格言大訓宜不勝其多

とこりらい

語磁集

兲

精 難求門人何以別其精微故曰家語之原乎然記者非 之以理不有以大會粹為一書則散漫而無統法博而 魯之君問答二國不能互聞也以今準古揆之以事度 家語斯言得之矣正如今程子朱子之語録也益顏子 多灰四月生書 十子既喪而大義已華駸駸乎入於戰國矣各剽畧其 之所聞會子未必知也子貢之所聞子游未必知也齊 粗紛然而來魚收並蓄亦不得而却也於斯時也七 人錄者非一人才有髙下詞有工批意有疎密理有

辨以欺諸侯以戕百姓其禍根盤結於海內紫亂朱鄭 巍然與日月並行於天地萬世之下莫不於此而宗之 啟來哲為悠遠深長之計其滔滔横潰於天下者固 不 要簡明者集為論語以正人心以明聖統以承往緒 亂雅大道晦蝕異端搶攘誣聖言惧後世此有識者 能透遏絕也俟其禍極而勢定則大本大原正大光 聞假託其所知縱横開闔矯偽飾非将之以雄群說 凤夜寒心思有以拯之不得不於家語之中采其精 明

炎足四草 全与

魯齊集

之書也子思二十三篇若中庸大學則子思著作之書 者亦必子思子也藝文志有魯子十八篇此不過記録 也以論語之體段推家語之規模大緊止記録而已然精 將畴歸故曰集論語者必予思子也始著書以幸後學 其功又豈在禹下哉當是時也任是責者非子思子吾 全之書其曰先秦古書宣不宜哉雖然予當求家語之 要簡明既萃於論語則其餘者存於家語雖不得為統 沿革矣其序故曰當秦昭王時荀卿入秦王問儒術

死亡の声心時 授戴德戴聖慶育三家大戴剛其繁為八十五篇小 河間獻王得而上之宣帝時后倉明其業乃為曲臺記 悉歸漢高堂生得禮古經五十六卷經七十篇記百三 又刪為四十六篇育無傅馬馬融得小戴禮又足月 也而昭王豈能用儒術者哉可謂兩失之此家語為之 以孔子語及第子言参以己論獻之知於儒術固未醇 **夔矣於是以其書列于諸子得逃焚滅之禍泰亡書** 篇註云七十子及後學所記此豈非家語之遗乎 魯齊集

出於首鄉之所傳故戴記中多有首鄉之書班固日孔 首卿之書以裨益之總名曰禮逐除家語本篇是減其 小儒以曲禮不足乃取孔子家語雜亂者及子思孟軻 子家語二十七卷卷與篇不同顏師古己註云非今所 明堂樂記三篇鄭康成受業於融為之註解究其原多 予於是有曰論語者古家語之精語也禮記者後家語 有之家語成帝時孔子十三世孫行上書言戴聖近 而存其未也以是觀之禮記成而家語又幾於亡矣 世

金少世是人一

友王司祖 A. A. 是王肅編古録雜語其書雖多疵却非肅自作謂今家 語為先秦古書竊意是初年之論未暇深考故註於中 蕪其功反出於二戴之下必不然矣是以朱子曰家 語 安國之所守也不能以金石絲竹之遺音正曲臺之繁 鼎安國不應如是之球也且安國武帝時人孔壁之藏 成之託以安國之名捨珠玉而存瓦礫實康瓠而棄商 左傳國語尚孟二戴之緒餘混亂精粗割裂前後織而 之精語也今之家語十卷凡四十有四篇意王肅雜取 魯癬集

柱而調瑟却成大病是以不容不論惟明者擇馬 四之流風餘韻寂然不復存以古家語正中庸其詞甚 也吁家語之書珠四之的傳也不幸經五變矣一變於 怒其義甚明奈不可得而見也以今家語正中庸終恐 秦再變於漢三變於大戴四變於小戴五變於王肅沫 庸亦未及修故曰家語為王肅書此处晚年之論無 疑 有所未安以朱子晚年之論久之未必不改也學者膠 水災後劄子


金好四月在書

廬漂荡我家具淪沒我稼穑閑絕我民命横尸被野兔 烏茸槁粒一目百里雖無斧水亦為凶年況七八月之 畴告病横風淫雨浸蕩於其外螟螣蟊賊蝕囓於其內 問沃壤甚狹豐年樂歲僅僅自保國家無無歲之儲上 J. 17:12 J. 1. 氣蔽天雖咸淳亦不如是之甚也此豈小故哉死者吾 問山裂石走百川沸騰五邑在瀾會于一夕傾覆我室 農無半年之食一遇水旱上下俱困今年陰沙馮陵 竊惟婺女之為郡三面阻山而太未之水限其西南中 新衛 西

銀定匹庫全書 益濱溪者洪水之所滙帶山者洪水之所發浸者成芽 母斯民之責推已溺已飢之心散財發栗編加拯恤德 末如之何而生者日就溝壑尤為可念伏惟某官任父 宜豆宜油麻又其次则蕎麥芋果蔬菔幸免十不二三 瀕溪磋齊居高而带山下者宜私宜粳宜林高者宜栗 至渥也既而申奏朝廷大捐稍廪城出泉符使者跋履 · 應無餘憾於今日深有憂於方來何者膏腴在下而 按官吏奔走山谷所以慰勞給助恩已職矣然識者 老 歌定四車全書 **▼** 行眼濟又将次第而舉然眼濟於今日局面與去歲不 没者就搞衝突者砂石縱横者陵谷易位凶年之禍未 力殊甚講行于今日實無良策益富家巨室赤立以待 不勞趣辨上下数然講行于趙都承之時科擾程督費 力已竭三舉則元氣必絕矣是以講行於具侍郎之時 之春講行勸分于今三年一舉而民猶樂從再舉而民 同益承豐穣之後者易承凋察之餘者難吾邦自庚子 有如是之慘者來春雜價翔踢細民艱食已無可疑講

魯商集

拾止浙西一二中户從容可辨此其次也大抵凶荒之 餘必有盜賊攘奪之患計出無聊勢使然也但得乞米 將熟越發運司未下知羅之令則數萬石之米機先以 淅 之米俟來春難錢椿積秋成雜還朝廷决不以煩瀆為 舉風夜以思惟有衞哀朝廷歸命君父撥借四五萬 罪本州又作急那融四五萬石之資日下差官収雜於 新令先有啼飢之憂況弱户乎是故勸分之令難以復 西侯将來服雜記事此錢亦不患耗折但浙西晚禾




1金 反匹库全書 魯齊集卷九

欽定四庫全書 ^{鲁齊集卷十}

詳校官庶吉士事傳熊

主事臣吕雲 棟覆勘 校對官侍讀臣王家賓 總校官庶吉士臣朱 鈴

謄録監生日記 鍾



義於侮聖言而壞心街乎此所以為先儒之所呵斥也 常新而沉聖人之書正大而平實精確而詳明三千萬 廣終不可很乃欲以首章知止至近道矣一段充之未 |尊師道之嚴不察是否一切禁止之此言既出流傳漸 有是言也自董鉅堂以來已有是言矣考亭後學一時 僕鑒此病久矣一日聞大學格致章不亡不特車玉峰 世而不可磨減平其心易其氣求之猶處其不可得而 可以新奇求之哉後世乃穿鑿而好異傅會而騁巧不

金分四月在書

之追補而經傳儼然無有亡缺豈非後學之大幸僕當 喜其復於循非喜其奇而喜其歸於常以其不費詞說 免躍如其喜是喜也若為新奇而然其意非喜其新而 文正写真 Atho 載大學之道以教人就以大學名其書也所謂大學之 易也人生至十有五歲自小學升之大學故此書所以 作沿革論而猶有所未盡既而以大學首章朝而讀莫 百遍沈潛玩味文從字順體正意足然後知其不可不 而思退一段讀之數十百遍又添此一段讀之亦數十 魯斯集

道者大以人言學以地言道以教言其道在於明明德 氣者也心然性情者也今教之以通明知識謂之明理 之心非是氣則理無所寄非是理則氣無以靈性合理 大用盡於此矣夫天命是理為吾之性天命是氣為吾 在於新民在止於至善此三句乃一書之綱領而全體 金月中屋有量 然此德本虚靈不脉止日明德則體用混淆敌又添一 明氣明性明心俱不可得是理於心謂之德故曰明德 明字於上下明字本體也上明字教之之法也既日明

不可謂之大明之者因其本明而不使其昏之謂新之 大學之道之體新民是大學之道之用各止於至善然 其體則精矣言其用則未切也其用則是正好處是中 准則也自古善字無正訓周子始以純粹不雜目之言 者因其既昏而復使其更新之謂至善則明德新民之 有虧不可謂之全新民未止於至善則於新民猶未廣 後謂之全體大用也明明徳未止於至善則於明德猶 德則不見其熟為理熟為氣熟為性與心也明明德是 こううしょう

節處是無過不及處朱子則曰事理當然之極事理當 本而之未自始而之終此順詞也忽繼之以於天下三 明明徳於天下者此一句非聖人不能道也是之謂直 拍從容非若後世之淺迫易露也第四節首曰古之欲 象却甚寬大既立三綱法當繼之以目血脉不斷而節 然釋善也極釋至也為善或未及一分或過一分不可 指全提言古者所以開今之學也欲明明德四字若自 日不善也謂之至善則不可聖人言語雖極精客而氣

物之中躬物之理所以致吾之知也第五節七后字方 置止萬鈞之重致者上之所以教也知者下之所以學 六先而下其勢若建筑傾瀉在致知二字上文法之力 事也致知在格物忽又變此句法而其旨益密自三在 文字險處乃以六先字貫之所以遡其用力之端自天 字其勢却翻轉自未而歸本自終而原始却是逆詞此 也知字既重不可不授之以致之之方益致知只在格 下至齊家皆新民之事也自脩身及致知皆明明德之

改定四年全書 一个 曹舜集

皆末也後又以餘意一句正結一句及結已含蓄傳中 意正心皆成就脩身二字指此為本則齊家至平天下 |總結不特關鍵甚嚴且包涵許多教法博而不露約而 意思俱足此於聖人何當留意於作文而詞章自胸中 不晦於半語之中剔出脩身來定上下凡格物致知誠 六節曰自天子至於庶人一是皆以脩身為本只一句 是自始而至終自本而及末欲學者知效驗之先後循 其序則不差先之下后之上六字及覆而體用頓異第

大人とりちとときつ 一巻香集 亦失先後之序況未當窮事物之理如何遠能知所止 者之所宗若等問輕道破不持文字無精神而於教法 聖人之言一字不可有無一字不可後先也今推首章 而得所止哉如是則乃生而知之之知非學而知之之 而文勢語意反成緩弛矣益知之一字教者之所主學 法度典型如此嚴密然後見知止一段雖若承接緊切 以學自物格知至之下無脩身一語則不知其所以行 流出自然如此若三綱之下無致知一語則不知其所

發必中節矣審其慮之謂中節則得所止之謂非物格 此所謂定也方事之未至也則此心寂然不動寂然言 則思慮不雜意向不偏氣質不得而勝物欲不得而遷 先也知止者致知之效而學之功也誠能知其所當止 知也僕故曰不可不易者此也夫致知者知之始學之 知至能如是乎僕昔謂知止一章逃亡為甚自今觀之 其靜也不動言其安也及其事之感通也必審而後發 正見拙而非巧也然其錯簡於此不為無其因昔本在

金グセカノーで

卷十

之前處則在意誠以下將然之際如此貫之可否未予 之由也非後世喜新奇而創為此論也未子之門人亦 知至意誠中間事章句云物格知至則知所止矣意誠 批云解云似已有此意矣朱子又曰知止至能得是説 有問曰定靜安在物格知至之後意誠以下六事未然 止於至善傳之後今乃逸在止於至善經之後此錯簡

欠とりしたかう!

魯斯集

至善之所在自誠意以至於平天下所以求得夫至善

以下則得所止之序也或問又日格物致知所以求知

然討見即是元初底物事愚敢於致格傳亦云 於遷也惜乎讀者未當玩味致此疑於滄洲講席之上 子又日大學首尾該貫去了多年猝急要討尋不見忽 新哥可喜之論我所以共天命追聖言以正舊章也未 而止之也此固己分明以知止章為致知傳矣但未決 自泰山梁木之音絕響而七十子之門人散處四方各 耳此皆漢前論之所未盡者不敢不思有以補之是豈 中庸論上

金为中国石量

とこうらしいう 於世大學經傳如此分明猶參錯而不知正中庸之章 咋舌而失其辨秦燔典籍漢弱儒冠至挾書之禁開而 以瑜於子思子也孔堂神護屋壁發祥大學中庸始見 後河間獻王及魯昌堂生得書為盛纂集雖勤而錯亂 流風餘韻彬彬然人猶知所敬也雖縱横異說之士或 訓詁之書有立言之書七國酣戰鋒鏑腥間獨珠四之 尊其所聞各識其所得紛紛著書大略有記録之書有 磨減固亦多矣考其疏浚淵源恢宏祖訓端態淵微無 唇腳集

僕於是而又有感馬首章三句句句有體用也天體也 道固體也實為性之用道雖用也又所以為教之體僕 命用也性體也率用也道體也脩用也總三句言之天 句客矣或問詳矣學者之問答亦備矣又推出體用二 次第尚承漢儒之舊大書以提其綱細字以指其要章 編苟絕而微言與旨尤不易正也子朱子雖豪分縷析 字該貫一篇之大意故勉齊又曰皆所以明道之體也 固體也性則天之用也性雖用也又所以為人物之體

之客者蓋庸是常行不可易之定理中却是臨時權衡 庸而言則中却是用庸却是體古今言體用未有如是 子曰以中庸對中和言則中和是體中庸是用以中對 和用也此言性之體用至於中庸則言道之體用故未 之地過人欲之將的者此用也未發之中體也已發之 懼乎不睹不聞存天理之本然者此體也加謹乎獨知 中提出一道字教學者所以脩上承天命下立民奏戒 故曰首章三句句句有體用者此也子思子於性教之

大元日 日本 なから

雪鶴集

之名也中間又以費隱分體用以誠明分體用末章又 中之用也朱子合而言之曰中者不偏不倚無過不及 謂不偏不倚者此中之體也吕氏所謂無過不及者此 金分巴石石量 日上天之載無聲無臭至矣澄心易氣玩味章句殆無 自為學立心之始至為恭而天下平因用以歸於體故 及其久也猶覺有所疑馬無所質証深竊病之益子思 餘蘊僕至愚陋讀此書雖有年矣始則茫然終則雖然 合乎此理者也而中之一字又有體用之分馬程子所

RIND MALL RIND IN 者乎此後實有斷續不相屬者朱子却未當言之此正 章曾未見其不相屬也凡朱子曰承上起下豈非相屬 字聚然於心目之間為得不為之躍然但固滯之見似 覺文勢微有斷續官商或相奪倫雖朱子亦當曰文雖 朱子提挈網維指示總與支分節解脈絡貫通句句字 夫鎮密有非初學之所能遠通其茫然也固宜於是子 子之為是書也義理精微而意味深遠規無廣大而工 不屬而意實相承乃指第二章以下十章言僕於此十 魯衛集

為五字心頗異之求於諸子之列已有子思二十三篇 滞之見活泳探索終未能釋然因見漢志有中庸說二 僕之所疑也知仁勇之分言最先也而三達德之總言 大學獨提中庸之說而二之何數沈思久之豈非班孟 亦不相類也哀公問政與仲尼祖述尤相遼遠此皆固 若判然不相接也大哉聖人之道凡三章與至誠無息 竊意大學中庸當在二十三篇之內矣今乃於此又拾 乃遺逸於七八章後行遠登高之辟繼以鬼神之為德

金分比四百量

度之 識於後辭未達復著於論但坼裂古書搖動宗旨不待 乎大用之融也遐想舊規以意逆志庶幾得之姑整録 宣厥滞乃輯厥辭乃秩厥序嚴嚴乎大分之辨也<code-block>勝</code> 堅亦有意於考異而傳疑乎僕不揆其愚乃搜厥原乃 然後知長短物皆然心為甚僕不佞尚有待於後之賢 火走马车在车 人罪之而亦自深以為罪也孟子曰權然後知輕重度 中庸論下 整衛集

行行固不先於知也夫性最難言也原其繼善成性之 指其當行之路也曰明誠指其當知之理也知而後能 也推其性之所自來則人與萬物同一原也推其性之 有不同數曰非不同也正以其所指以示人者各有義 或有問者曰二篇之析子固有證矣然則性之與教亦 金公里人 所實有雖天地之健順亦不外此教非不同也曰脩道 可相雜也於不可相雜之中要見其未當相離之實於 初理與原未當相離也推其極本窮原之義理與風不

者也特以其未發無所偏倚故謂之中此氣而含理也 日食色口生之謂此於性中獨提氣言故口不識性也 不恃厥旨矣去氣者性之所寄也性者氣之所體也舜 發而中節發亦氣也有理以帥乎中故發而能中節矣 子思子曰天命則理氣混然在中日喜怒哀樂本乎氣 劉子曰受中此於性中獨提理言所謂性則理也告子 之命禹曰人心曰道心此分理氣而並言湯語曰降衷

未當相離之中要知其不可相雜之意方為淳粹峻潔

20.19 to 1.1.5

於首章何也日道也者非它道也非可離之道也即中 言徳也情也用也今既以中庸名篇而中庸二字不見 所以審此中也惟中而後可庸也雖天地位萬物育亦 中和之中主靜而言理也性也體也中庸之中主動而 亦有時而不育此感應必然之理非天地本不位萬物 庸也非聖人推極其中和則天地亦有時而不位萬物 以君子戒懼乎未發者所以養此中也謹獨於將發者 庸之道也曰不可離豈非日用常行之道是曰庸乎是

銀坑四届全書

次章至十一章以知仁勇聯絡之自十二章至十九章 妄意而猶有疑馬者以此書章節散漫易於錯簡朱子 之粹明不觀中庸之輯解不知朱子章句之精密僕稿 是之無原也吁不觀漢儒之訓故不知關洛諸子義理 庸也益中庸之義已點寓於道之中不然則次章忽日 君子中庸與首章全不相屬恐予思子之文章决不如 本不育必待聖人致中和而後位育也故首章非無中 止從其舊乃於中提出關鍵字為之聯絡固為甚麼自

设定四車全書

魯斯集

章之結語各分為二疑其太密也第七第九章朱子既 疑馬但第三章既是第二章之結語第五章亦為第四 人道聯絡之於第二十章又以包費隱無小大起天道 |蚕矣皆所以開後學之耳目發往哲之精神而僕復何 恐不必分也第四章初言過不及此固申中之義次言 口承上起下則是文相属而意相連矣竊疑止是一章 人道之旨不復有纖毫問隙之地其用功於此書可謂 以道之費隱聯絡之自二十一章至三十二章以天道| 次足四車全書 常者恐推上知仁男及學寬爾費隱之為體用亦精矣 陰陽失其庸也惟藍田呂氏以費隱以上論中以下論 竊意凡言道之费處皆指日用常行人之所易也者所 猶有憾者是陰陽感應之大者也天地而猶有憾者是 人莫不飲食豈非庸乎第十一章索隱行怪此非常者 人道之常也天地之間陰陽感應庸之大者也天地而 以申明乎庸之義也前言飲食日用之常也此言夫婦 明矣半塗而廢此不能常者也不見知而不悔此固能 魯齊集

1

庸此最得子思子之本旨未子乃以為未安思之不得 然易見形於天地之間者莫非庸也費隱之下當繼以 其意但呂氏此下有以隱為至道或恐以此為未安也 行遠自通一章九經之下當繼以大哉聖人之道言聖人 有庸徳庸言兩字露出精神以是知非忘庸者也凡顯 之道雖如此髙大亦不過在經禮威儀之中亦庸也但 略也豈以發越費隱二字之精神故掩其庸乎又何為 不然則子思子及復論中如此之詳不應論庸如此之

疑而長終豈若暴白其所疑以俟後之朱子云 僕之所疑者如此恨不及質正於朱子既不敢自以為 者也卒章四稱德亦指中庸之德而言雖自實用工夫 無比德則不能凝此道自用自專及古道皆不知中庸 然又不敢自欺曰無疑撫卷浩歎若有得馬與其抱所 者也本諸身至百世以俟聖人而不惑亦能盡此中庸 天下平亦本乎天之所命無聲無臭非可求之於氣也 久上日后上的 誠明論 他國際

無妄之謂誠不欺其次之此反訓也子思子又以不二 覺後覺物來順應不妄不欺是曰明誠前篇曰天命則 義有禮有智粲然在中無感不應是曰誠明人之一心 體之又以統亦不已販之人之生也稟此真實有仁有 性在命中脩道則教在道中然非誠則命不能立非明 則道不能行此誠明之可以為綱而不可以為目次章 熟無知覺氣質物欲或錮或嚴必有先知覺後知先覺 日至誠盡性此聖人之誠也其次致曲此賢人之誠學

我好四月有言

卷十

意夫子之言至其政息而止此下皆子思子之言申言 節入前篇之外舉夫子之答問以起明善誠身之義竊 シーン・シー シー 之德與武王周公之達孝相應哀公問政章移脩身一 地之誠也至誠前知與大舜文王之所以與相應鬼神 之竊意顏子喟然之嘆實似之形著明動變化六字程 知之事也楊氏學問思辨為行之說朱子於輯略亦取 子推出於外承上章言也張子推入於內起下章言也 曰成己成物言所以為教也至誠無息推而廣之言天

武之政行於天下者尤不可以不明善而誠身也博學 其所以脩身脩道者皆明善誠身之功後之人欲舉文 言賢者必待明而後誠非明不能擇非誠不能固好訓 容中道此言聖人生知安行不待明而誠擇善固執此 之以下又明善誠身之本所以為教也曰誠者天之道 其政之布於方策者如親親之仁尊賢之義等殺之禮 釋之詞也漢儒悉亂於上豈有綱領未立而訓釋已見 以釋上誠字誠之者人之道以釋下誠字不勉不思從

火モリーとは 地之化育無所倚惟見此誠肥脫淵淵浩浩而已至此 天也至誠以道言推大經大本之所自出也蓋能知天 復替仲尼道傳四聖德參兩儀以結至誠盡性其意已 章為最長所以舒徐容與開亮彬蔚盡明誠為教之我 無得而名馬故結之曰苟不固聰明聖知達天徳者其 開而又闔渾渾無涯至聖以德言推其所以能盡性配 本末先後之無序何足以為典則之文哉一篇之中此 足而猶有餘思其詞已終而猶有餘力再提至聖至誠 魯衛集 十六

無色無聲無臭所以為尤難知也益其胚胎造化素裔 為學者最後工夫此篇以誠明為性以明誠為教無形 門中庸推性命之大原闡道德之明教為難知也所以 一曾子之傳授中庸發明夫子之精蘊此篇發明自己之 所得大學有三綱八目為易見也所以為初學入徳之 聖不能知誠明明誠兩下極功關鍵尤嚴歸宿尤密無 孰能知之言至聖之德非至誠不能為至誠之道非至 以加矣子思子之書見於後世者止此三篇大學發明

和平醲郁之味懂其所以異於戰國者猶以師友見聞 論真發前聖人之未發可謂傳得其宗但其才島無雄 祭 其遐躅矣孟子親受業於子思子之門性善養氣之 经所向石裂山推雖子朱子亦每嘆服其文章何其妙 有英詞偉論以駕其仁義之具或抑或揚奇采振耀鋒 之金石雅穆乎開簡策之儀刑盛矣哉後世不足以追 貞元理深而又深辭客而又客但見其鏗鏘乎振家庭 也然終未能盡滌濯戰國之餘習警悟超絕之意多而

大心日本

魯斯集

字之外更無他語發明此誠以是知孟子之得於子思 之可指今觀七篇之書述子思子傳授之言自在下位 義理根原正面大體自然流出淳粹寫厚無一點疵類 醇乎醇而不知子思子尤醇乎醇也濂溪周子心傳子 思子之道於千五百年之後而得於子思子者反深其 子者尚淺而後世之知予思子者尤淺也韓子知孟子 之懿而義利王伯之辨甚嚴豈可望子思子之文章自 不獲乎上至人之道也而止乃中庸之殘章斷簡也動

金岁世是白雪

之本百行之源此以人道言終其書推明誠之義不 矣此以教言曰誠之源曰誠斯立此以天道言曰五常 著於通書曰誠聖人之本此以性言次章曰聖誠而已 後之朱子也 先後亦在乎人之自勉而已此僕之所以確然有俟平 而止精態邃密皆孟子之所未發嗚呼道無古今學無 小難於原而難於推亦不難於推而難於立夫命至 原命 東白歌河王

一致定四庫全書 難言也吾夫子猶罕言之自伊洛諸儒先得義理之正 得而見也推其已然而后知因其惻隱之發而知其有 賦是理為人之性有仁有義有禮有智雖有是四端不 傳訓故精密非復漢儒之舊天賦二字之外無餘說也 謂之道形而下者謂之器上下既分固不得而相雜然 推其命之所有則有理馬有氣馬然理非氣無所寫氣 形在乎其中亦不得而相離也曰理曰氣形而後知天 非理無所主理氣未當相離亦未當相雜蓋形而上者

政推其已然者不為難於此而又有數馬則可以推其 天而知其得氣之薄也五福六極有萬不齊皆從此出 濁也因其富貴而壽而知其得氣之厚也因其貧賤而 |質而知其得氣之清也因其昏愚之姿而知其得氣之 有是四端亦不得而見也推其已然而后因其聰明之 スニアーと ここう 皆從此出天賦是氣為人之形有清有濁有厚有薄雖 知其有禮也因其是非之别而知其有智也百行萬善 仁也因其羞惡之發而知其有義也因其群遜之發而

銀定四庫全書 授於人哉不乗之以龍馬神龜則造化之妙陰陽之機 洛書數之始也有文五十有五奇偶重列者此河圖也 聖而后能推之伏羲因河圖而畫八卦大禹因洛書而 何自而著雖出於物而不囿於物物皆有理有氣惟神 有文四十有五奇正偶偏者此洛書也天豈能諄諄然 未然也夫數者亦天之所賦也亦有理馬有氣馬河圖 之於卜筮以惟人事之吉凶循環無窮感應莫測此聖 叙九畴聖人則之者用之於歷數以雅天地之變化用

假大行之數託靈蓍而襟之積其誠意凡十有八變方 人神於用而妙於推也以卜筮言之卦爻一定之理也

求之於已然而推其未然越宇宙之無窮皆可坐而知 為歲以太陰一周天為月分之以四時參之以餘閏皆 五星運行於天者有經緯離合之不齊以太陽一周天 一卦未然之吉凶可坐而知也以歷數言之以日月

也聖人之用數止於如此夫一非數也此數之所由始

大こうる こよう

也天開於子其體圓而虚地關於五參乎天中其數為

名之日命此固不可謂非天之所賦也於此可以推其 見此理則以人之所生歲月日時推其所直之甲子亦 甲子紀其年月日時此歷數之名號也後世於歷家窺 之辰周天凡十有二辰干辰相摩為六十甲子以六十 而生五行天一生水地二生火天三生木地四生金天 五生土五行各一陰陽是曰十干日月所會之次舍謂 性情得於仁義禮智者孰多孰少可以推其氣禀得於 二故日參天兩地倚數之元自是一陰一陽動靜變合

金好四月全書

七百二十得命四萬三千二百又縣之以歲六十其月 於此其術可謂神矣然以古今之遠四海之廣人生林 次其六十之十二得命七百二十計之以日又六十其 星之躔度吉凶推之今考其學以日計時得命十有二 貴賤壽天者孰厚孰薄苟精其義亦可入神又有以五 林過者化來者續維天之命於穆不已過俱囿於二百 則得命二百五十有九萬二千矣夫以二十有二字之 至約參伍錯綜甲子凡三周敷衍變化數之繁夥一至 ついうこ しょう

金定四年全書 最盛以三十年為一世以十二世為一連以三十運為 之九百六十年九元之四千五百六十年楊氏太玄之 五十有九萬二千命之中又何其術之窮也又有不推 五行尤局促而易窮也惟康節部子之學行而中之為 小遊三百六十年太一之大遊四千三百二十年軌草 五行五星而一依於數者紛紛街鶩於天下如太一之 一會以十二會為一元日元會運世者不過又加一大 八十一首關氏之洞極二十七家司馬公之潛虚五十

大三日祖人 遠四海之大人生消息變化之無窮益有不得而異亦 過五萬五千九百八十七萬二千而已愚不能又加倍 年月日時也然囿於數而終不能無止法推其極亦不 性也性即天賦之理也君子脩之吉小人悖之凶此常 相克者止於五行五行氣也五行之神則仁義禮智之 不得而同夫十干十二辰行而為六十甲子推其所以 理也君子脩之亦有時而不吉小人悖之亦有時而不 也尚能自二十二字飲而約之愈妙而愈廣雖古今之 魯爾集

窮理盡性則性天德命天理氣之不可變者獨死生壽 易此張子曰徳不勝氣性命於氣德勝其氣性命於德 要使理常為主而氣每聽命馬雖富貴貧賤壽天之不 而不可易學者當循其常而安其變東其勢而御其氣 凶此非常理也變也氣之不齊故有時而變理則一定 同而仁義禮智信之在我者不得而泯此自昔聖賢教 天而已孟子日莫非命也順受其正於壽不貳脩身以 人之要法所以經綸天下之大經裁成輔相之道無以

第5日月白書

祗而后土勾龍氏其配也稷者實專于原隰之祗能生 難於推而難於立然不知其原則不能推不能推則不 俟之所以立命也愚敢日命不難於原而難於推亦不 こ・アミード 尤為至當益社者實山林川澤丘陵墳行原隰五土之 能立故作原命 五穀者而后稷周棄氏其配也自昔國家所以昭事祈 伏聞某官憂農関雨靡神不宗而又祷祈於社稷於義 禱雨劄子 1

氣之所然能出雲雨潤澤萬物故也今東陽之為郡北 能舉而行之者誠為缺典夫山川所以為神靈者以其 内之山川今用黄冠之教而上供其皇天上帝是禮之 報莫重於此與其屈膝於老子釋氏之祠與夫妖妄淫 之亂也至於職分所得而祭於禮為正者則前後未有 昏之鬼者相去遠矣愚又聞天子祭天地諸侯祭其境 山真其後雙溪媲其前此所謂境內之名山大川是也 僭也又以髡緇夷族旋繞厠穢於宣布教化之庭是禮

一级定四年全書

火色の見いう 侯主是山川以滋其人民社稷之事故其氣属我相聯 氣之流行然是氣無所攝屬則決無感應蓋天子命諸 節躬率僚案精白嚴事必有昭應夫人之於天地均 矣誠得賢使君立其壇境推幣之制考其登降萬饋之 者有限益陰倡而陽不和其氣逆而勢不順縱有豐年 而東北常歉益北山者一郡之望山也今其氣鬱亢久 沛周於四境近年以來雲雨多與于南山之西而所及 愚自兒童時每見北山有雲胃其顛須與公雨雨則滂 魯斯集 青

試取文集觀之信不誣也輕不自揆以書生迂濶之言 本先須與其感召之氣凡政事之淹欝者疏剔之凡征 顯之神何祈禱而不應哉昔南軒張先生當行於桂矣 恐可以禪賛爱民事神之盛心如或可采願勉强行之 催之苛急者寬弛之使干里人民之氣和而山川之氣 接而無間夫山川者天地之正氣也人以正氣感之則 已漸和矣然後齊肅一心積蓄誠意會山川之氣通幽 正氣應以展氣感之則正氣不應矣苟能正其祭祀之

金月日月月日

僕於北山受教為甚深豈可自同於流俗因思儀禮喪 厚薄事之大小處之若顏関之於孔子雖斬衰三年可 排關往哭之既飲僕雖以深衣入哭隱之於心疑所服 咸淳戊辰臘月十有九日夜承北山何先生之計次早 之未稱也自吾夫子之喪門人不立正服乃以義起若 こうしし こよう 也其成己之功與君父並其次各有深淺稱其情而已 喪父而為心喪程子曰師不立服不可立也當以情之 朋友服議 吉履無約其弔服圖云庶人弔服素委貌白布深衣士 常服又尊卑未成服以前服之故庶人得為男服素冠 極輕者也他無服矣只有吊服所以擬之註云吊服加 為喪服其弔服則疑衰疑之為言擬也總麻之布十四 雖無親有同道之恩相為服總之經帶又曰士以總衰 服有朋友麻三字此豈非朋友之服乎鄭康成云朋友 麻其師與朋友同既葬除之疏云以白布深衣庶人之 升疑東十五升即白布深衣擬于吉服也益總衰服之

銀定四庫全書

|綠之袖長在外者則曰中衣各自有名不可亂也又曰 深衣也純之以麻者曰麻衣純之以素者曰長衣以采 衰或日深衣吉服也而可為弔服乎僕曰註固已云疑 朋友相為服弔服加麻加麻者即加總之經帶是為疑 上袵徒跣交手哭是孝子未成服亦服深衣也或者又 人深衣又曰子為父斬衰尸既襲衣十五升布深衣扱 于吉服也沉非止為弔服親疾病時男女改服註曰庶 日安知深衣為弔服不為麻純乎僕曰純之以彩者曰

Kright Jone 1

魯齊集

东

帶其後共考儀禮至葬時方用深衣加經帶僕於是釋 見者未曾以為怪越數日通齊禁仲成父來弔僕問昔 成服日服深衣加經帶冠加絲武即素委貌覆以白巾 天下非一家之私書也遵而行之豈得為過僕於北山 一黃先生考之為最詳其書進之於朝藏於私省領行於 深衣為弔服鄉問亦問行之但未加麻耳是服也勉齊 日毅齊之喪門人何服日初遭喪時朋友以欄幞加布

金月日月日

子創為此服豈不驚世駭俗人將指為惟民矣僕曰以

57		·					41.
人こうる かう	·						沿
5) ·			然知其無戾於禮也故作朋友服議
2							無
7							戾
							於
							禮
	,						北北
魯							作作
魯斯集							阳
7							友
							服
							議
1							
-							
茎							
1							
\perp	 l		L.,		<u> </u>	L	L